

სახელმწიფო შესყიდვების ხელშეკრულება №120.03.18

ქ. თბილისი

17 მაისი 2018 წელი

ერთი მხრივ, შპს „საქართველოს გაზის ტრანსპორტირების კომპანია“ (შემდეგ – „შემსყიდველი“), წარმოდგენილი მისი გენერალური დირექტორის ჯაბა ხმაღაძის სახით,

და მეორე მხრივ, შპს „ფლაგ არტი“ (შემდეგ – „მიმწოდებელი“), წარმოდგენილი მისი დირექტორის რომან დარჩიაშვილის სახით,

„სახელმწიფო შესყიდვების შესახებ“ საქართველოს კანონის მე-3 მუხლის 1 პუნქტის „ს“ ქვეპუნქტის საფუძველზე, ვდებთ ხელშეკრულებას შემდეგზე:

მუხლი 1. ხელშეკრულების საგანი

1.1. წინამდებარე ხელშეკრულების საგანია 1.2. პუნქტში მითითებული საქონლის (CPV 35821000) (შემდგომში - „საქონელი“) შესყიდვა.

1.2. საქონლის დასახელება და განფასება:

№	დასახელება	ზომა (სმ)	რაოდენობა (ცალი)	ერთეულის ფასი დღგ-ს ჩათვლით	სულ თანხა ლარში დღგ-ს ჩათვლით
1	საქართველოს სახელმწიფო დროშა	100*150	15	43	645
2	კომპანიის დროშა	100*150	15	43	645
ჯამი: 1290 ლარი დღგ-ს ჩათვლით					

მუხლი 2. მხარეთა უფლება-მოვალეობები

- 2.1. მიმწოდებელი ვალდებულია გადასცეს შემსყიდველს ნივთობრივად და უფლებრივად უნაკლო საქონელი და მასთან დაკავშირებული აუცილებელი დოკუმენტაცია.
- 2.2. მიმწოდებელი უფლებამოსილია წინამდებარე ხელშეკრულებით გათვალისწინებულ ვადებში და პირობებით მიიღოს საქონლის საფასური.
- 2.3. შემსყიდველი ვალდებულია დროულად და წინამდებარე ხელშეკრულებით გათვალისწინებული პირობების შესაბამისად გადაიხადოს საქონლის საფასური.
- 2.4. შემსყიდველი უფლებამოსილია მოსთხოვოს მიმწოდებელს საქონლის წინამდებარე ხელშეკრულებით გათვალისწინებულ ვადებში გადაცემა.

მუხლი 3. საქონლის მიწოდების და მიღება-ჩაბარების პირობები

- 3.1. ხელშეკრულებით გათვალისწინებული საქონლის მიწოდება უნდა განხორციელდეს ხელშეკრულების ხელმოწერიდან 10 (ათი) სამუშაო დღეში.
- 3.2. საქონლის გადმოცემისას მიმწოდებელსა და შემსყიდველს შორის ფორმდება მიღება-ჩაბარების აქტი, რომელსაც შემსყიდველის მხრიდან ხელს მოაწერს, კომპანიის მატერიალურ-ტექნიკური უზრუნველყოფისა და სამეურნეო დეპარტამენტის, სასაწყობო და სამეურნეო განყოფილების უფროსი - ალექსანდრე კობაძე (პირადი №01009011863).
- 3.3. შემსყიდველი უფლებამოსილია უარი განაცხადოს უხარისხო საქონლის მიღებაზე და მოსთხოვოს მიმწოდებელს მიყენებული ზიანის/ზარალის სრულად ანაზღაურება.
- 3.4. საქონლის მიწოდების ადგილია ქ. თბილისი.

მუხლი 4. საქონლის ხარისხი

საქონლის ხარისხი უნდა შეესაბამებოდეს ასეთი სახის საქონლისთვის დადგენილ სტანდარტებს.

მუხლი 5. ხელშეკრულების ფასი და ანგარიშსწორების წესი

- 5.1. საქონლის მთლიანი ღირებულება (ხელშეკრულების ფასი) შეადგენს 1290 (ათას ორას ოთხმოცდაათი) ლარს საქართველოს კანონმდებლობით განსაზღვრული დამატებული ღირებულების გადასახადის ჩათვლით.
- 5.2. ხელშეკრულების თანხის გადახდა ხორციელდება მიმწოდებლის მიერ შემსყიდველისათვის ხელშეკრულების 3.2. პუნქტით განსაზღვრული მიღება-ჩაბარების აქტისა და შესაბამისი საგადასახადო ანგარიშ-ფაქტურის წარდგენიდან 5 (ხუთი) სამუშაო დღეში.
- 5.3. ანგარიშსწორება ხორციელდება უნაღდო ანგარიშსწორების წესით, შემსყიდველის მიერ მიმწოდებლის საბანკო ანგარიშზე თანხის გადარიცხვის გზით.

მუხლი 6. გარანტია, პასუხისმგებლობა და ხელშეკრულების პირობების შეუსრულებლობა

- 6.1. მიმწოდებელი იძლევა გარანტიას, რომ წინამდებარე ხელშეკრულებით გათვალისწინებულ საქონელს არ გააჩნია რაიმე ნაკლი და/ან დეფექტი. წინააღმდეგ შემთხვევაში, მიმწოდებელი საკუთარი ხარჯით უზრუნველყოფს არსებული ნაკლის და/ან დეფექტის აღმოფხვრას ან აღნიშნული საქონლის შეცვლას.

მუხლი 7. ხელშეკრულების ინსპექტირების პირობები

- 7.1. მიმწოდებლის მიერ ხელშეკრულების პირობების შესრულებაზე კონტროლს ახორციელებს შემსყიდველის მიერ შექმნილი ინსპექტირების ჯგუფი.
- 7.2. შემსყიდველი უფლებამოსილია, საქონლის მიწოდების დამადასტურებელი მიღება-ჩაბარების აქტის გაფორმებამდე ჩაატაროს ინსპექტირება, საქონლის ხელშეკრულებით გათვალისწინებულ მოთხოვნებთან შესაბამისობის დადგენის მიზნით.
- 7.3. ინსპექტირებისას გამოვლენილი ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს.

მუხლი 8. პასუხისმგებლობა ხელშეკრულების პირობების შეუსრულებლობისთვის

- 8.1. მიმწოდებლის მიერ საქონლის დაგვიანებით მიწოდების შემთხვევაში, შემსყიდველი უფლებამოსილია დააკისროს მას პირგასამტეხლოს გადახდა წინამდებარე ხელშეკრულებით გათვალისწინებული საქონლის მთლიანი ღირებულების 0,02 %-ის ოდენობით ყოველი ვადაგადაცილებული დღისთვის.
- 8.2. შემსყიდველის მიერ საქონლის ღირებულების გადახდის ვადის გადაცილების შემთხვევაში, მიმწოდებელი უფლებამოსილია დააკისროს მას პირგასამტეხლოს გადახდა გადაუხდელი თანხის 0,02 %-ის ოდენობით ყოველი ვადაგადაცილებული დღისთვის.
- 8.3. იმ შემთხვევაში, თუ ვადის გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10%-ს, შემსყიდველს უფლება აქვს შეწყვიტოს ხელშეკრულება.
- 8.4. მხარეების მიერ ხელშეკრულების პირობების შეუსრულებლობა და/ან დარღვევა გამოიწვევს მათ პასუხისმგებლობას მოქმედი კანონმდებლობით დადგენილი წესით.

მუხლი 9. ხელშეკრულების პირობების გადასინჯვა

- 9.1. წინამდებარე ხელშეკრულებაში ნებისმიერი ცვლილებისა ან დამატების განხორციელება შეიძლება მხოლოდ წერილობითი ფორმით, რაც უნდა დადასტურდეს მხარეთა უფლებამოსილი პირების ხელმოწერით და დაერთოს წინამდებარე ხელშეკრულებას, როგორც მისი განუყოფელი ნაწილი.
- 9.2. ხელშეკრულების ფასის შეცვლა დასაშვებია მხოლოდ საქართველოს სამოქალაქო კოდექსის 398-ე მუხლით განსაზღვრული გარემოებების არსებობისას და დადგენილი წესით.

მუხლი 10. მხარეთა პასუხისმგებლობისგან გათავისუფლება

- 10.1. მხარეები არ აგებენ პასუხს ვალდებულებათა სრული ან ნაწილობრივი შეუსრულებლობისათვის იმ შემთხვევაში, თუ აღნიშნული გამოწვეულია ფორს-მაჟორული გარემოებებით (მიწისძვრა, წყალდიდობა, სახელმწიფო გადატრიალება და სხვა გარემოებები, რომლებიც არ არიან დამოკიდებული მხარეებზე და ითვლებიან ფორს-მაჟორულ გარემოებებად).
- 10.2. მხარე, რომელსაც შეექმნა ფორს-მაჟორული გარემოება, ვალდებულია დაუყოვნებლივ წერილობით შეატყობინოს მეორე მხარეს აღნიშნული გარემოების და მისი აღმოფხვრის სავარაუდო ვადის შესახებ. წინააღმდეგ შემთხვევაში, მხარე არ თავისუფლდება ხელშეკრულების ნაწილობრივ და/ან სრული შეუსრულებლობით გამოწვეული პასუხისმგებლობისაგან.
- 10.3. მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

მუხლი 11. ხელშეკრულების ძალაში შესვლა და მოქმედების ვადა

ხელშეკრულება ძალაშია მხარეთა მიერ მისი ხელმოწერის დღიდან და მოქმედებს 2018 წლის 31 დეკემბრის ჩათვლით.

მუხლი 12. სადაო საკითხების გადაწყვეტა

მხარეები შეეცდებიან ურთიერთმოლაპარაკების საფუძველზე გადაჭრან წინამდებარე ხელშეკრულებასთან დაკავშირებით წამოჭრილი დავები. შეთანხმების მიუღწევლობის შემთხვევაში დავა განიხილება საქართველოს სასამართლოს მიერ საქართველოს კანონმდებლობის შესაბამისად.

მუხლი 13. ინტერესთა კონფლიქტი

შემსყიდველის მხრიდან ხელშეკრულებაზე ხელმოწერი პირი „სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, წინამდებარე ხელშეკრულებაზე ხელმოწერით ადასტურებს, რომ მისი მონაწილეობა ხელშეკრულებით გათვალისწინებულ შესყიდვის პროცედურაში არ იწვევს ინტერესთა კონფლიქტს.

მუხლი 14. დასკვნითი დებულებები

- 14.1. ხელშეკრულება შედგენილია ქართულ ენაზე, თანაბარი იურიდიული ძალის მქონე 2 (ორი) ეგზემპლარად, რომელთაგან თითო გადაეცემათ მხარეებს.
- 14.2. წინამდებარე ხელშეკრულების ნებისმიერი მუხლის, პუნქტის ან/და დებულების ბათილად ან/და ძალადაკარგულად ცნობა არ ახდენს გავლენას მთლიანად ხელშეკრულების ან მისი დანარჩენი მუხლების, პუნქტების ან/და დებულებების ნამდვილობაზე.
- 14.3. წინამდებარე ხელშეკრულებიდან გამომდინარე ნებისმიერი შეტყობინება მხარეთა შორის წარმოებს წერილობით.
- 14.4. წინამდებარე ხელშეკრულების ყველა დანართი და/ან ცვლილება და/ან დამატება წარმოადგენს ამ ხელშეკრულების განუყოფელ ნაწილს.

14.5. წინამდებარე ხელშეკრულებით გაუთვალისწინებელ ურთიერთობებზე ვრცელდება საქართველოს მოქმედი კანონმდებლობა.

მუხლი 15. მხარეთა რეკვიზიტები და ხელმოწერები

შემსყიდველი

მიმწოდებელი

შპს „საქართველოს გაზის
ტრანსპორტირების კომპანია“

შპს „ფლეგ არტი“

მის: თბილისი, კახეთის გზატკეცილი №21
საიდ. კოდი: 206103722
საბანკო რეკვიზიტები:
სს „საქართველოს ბანკი“
ანგარიშის № GE15BG0000000175520100
ბანკის კოდი: BAGAGE22

მის: თბილისი, კალოუბნის №40
საიდ. კოდი: 206160018
საბანკო რეკვიზიტები:
სს „საქართველოს ბანკი“
ანგარიშის № GE72BG0000000894356101
ბანკის კოდი: BAGAGE22



ჯაბა ხმალაძე
გენერალური დირექტორი



რომან დარჩიაშვილი
დირექტორი